



## **Meeqqat immikkut pisariaqartitsisut tapersersortaannut pikkorissaanissamik neqeroorut**

Sammissaq:	Meeqqat immikkut pisariaqartitsisut – qaratsap pissusaanik isiginnittumik aallaaveqarluni
Piffissami::	Sapaatip akunnera 32, ulluni 7.-8.- 9. augusti 2024
Sumiiffissaq:	Pissassarfik, Sisimiut
Peqataasinnaasut:	20
Sullinniakkat:	Tapersersortit
Qinnuteqarfissaq:	<b>Kingusinnerpaamik 12.06.2024</b>
Mailerfissaq:	<a href="mailto:pissassarfik@nanoq.gl">pissassarfik@nanoq.gl</a>
Pikkorissaaneq:	Pikkorissaaneq danskisut ingerlanneqassaaq oqalutseqassaarlu.

### Allaaserineqarnera:

Meeqqat eqqarsartaatsikkut peqqissuunissaat atugarissaarnerinut peqqissuunissaannullu pingaaruteqarlunartuuvoq. Siorna piffiup ilaani eqqumaffiginiarneqarnerulersimavoq meeqqat inuusuttullu atugarissaarnerat peqqissusaallu. Pingaartumik meeqqat inuusuttullu immikkut pisariaqartitsisut akornanni, atugarissaarneq peqqinnerlu unammillernartoqarfiusoq takuneqarsinnaammat.

2020-mi nalunaarusiaq “Kalaallit Nunaanni meeqqanut inuusuttunullu atugarliortunut pitsaanerumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq” Naalakkersuisut aamma danskisut naalakkersuisut Kalaallit Nunaanni meeqqat inuusuttullu atugarliortut atugaannik pitsanngorsaaqataasussaapput.

Nalunaarusiami erserpoq, kalaallit meerartai 1/3 -ii (pingajorarterutai) assigiinngitsunik patsiseqartumik atugarliuteqartut.

Pikkorissaanermi uani meeqqat atugarissaarnissaat peqqissusaallu pingaartinnerullugit qaratsap qanoq sunnerneqartarneraniit sananeqaatimikkut, perorsagaanermikkut inooqataanikkullu isigalugit ersarissumik saqqummiunneqassaaq.

Ima paasillugu, meeqqat inuusuttullu atugarissaarnissaat iliuuseqarfigissagutsigu, taava qaratsamut atugarliuutit kingunerisinnaasai qitiutillugit, meeqqat imminnut naleqartinneri, nuannaarnerat neriuutaallu tapersersussavagut kiisalu peqqinneq atugarissaarnerullu qaffassarneqarnissaannut avatangii-sit qanoq periarfissaqartigippat, tamanna aamma pingaartillugu qiviarneqassaaq.

Pikkorissaanermi aamma tarnip timillu nakorsaaitortitaanermi qanoq sunnerneqartarneri iserfigineqassaaq – misigisagut aqqutigalugit qanoq tarnitsinnut qaratsamut timinullu sun-niuteqartarneri. Soq naarlulertoqartarnerisooq, toqqissisimajunnaarneq, anersaartornikkut ajornartorsiulernerit, uummamik kassuttoorneq, sinnarluttarnerlu tamakku pilersartut, qiviassavagut. Eqqartussavagut qanoq ilionikkut unammillernartut taakku ikiorsersinnaanerigut, kiagulluta, illartarluta pitsaasunillu attuumassuteqarnitsigut.

Aamma ADHD -ip, ineriartornermi attaveqarniarnikkut oqaatsitigullu ajornartorsiuteqarneq (autisme) aamma annilaangasarnerup qaratsamut sunniutigisartagai – taavalu tamakku unammillernartut pillugit tamakkiisumik paaseqatigiinnitsigut, meeqqat immikkut pisariaqartitsisut pitsaanerumik atugarissaarnerunissaat pillugu ikiorsiinissaq iserfigissavagut.



Pikkorissaaneq teorimik sungiusarnermillu paarlakaajaallugit ingerlanneqassaaq, taamaattumik timip aalatinnissaanut naleqquttunik atisigit.

#### Siunertaq:

Pikkorissaanermut siunertarineqarpoq meeqqanut immikkut ittumik pisariaqartitsisunut tapersersortit meeqqat immikkut pisariaqartitsisut qanoq iliorunik atugarissaarnissaat peqqinnissaallu anguniarneqarnissaannut paasitikkumallugit.

Pingaaruteqarluinnarpoq ataatsimoorussamik oqaaseqalernissaq paasinninnissarlu, sananeqaatinut eqqarsartaaseq inuttullu isiginnittumik - peqataasullu sakkussanik angerlaataqassasut, massakkumut siunissarlu ungasissoq eqqarsaatigalugu meeqqat taakkulu ilaqutaannit iluaqutissanik.

#### Pikkorissaasog:

Pernille Thomsen, socialpædiatrisk fysioterapeut, master i sundhedspædagogik. Piginnittuusorlu Pernillefys atuakkiortorlu: "Du skal huske at fodre din søhest", "Børns mentale sundhed, når nervesystemet er på overarbejde" aamma "Sundhed og trivsel for børn og voksne med udviklingshandicap".

#### Qinnuteqarneq:

Peqataanissamut qinnuteqarniaraanni kakkiussaq immersorneqassaaq.

#### Angalaneq aningaasartuutillu:

Illoqarfimmit allamit peqataasussat pikkorissarnerup allartiffissaa ullormik sioqqullugu tikissapput, pikkorissarnerlu naammassipat aqaguani aallaqqillutik. Taamaakkaluartoq angalatitsivinnit ullut angallavissat apeqqutaallutik tikiffissat aallarfiissallu allaanerusinnaapput.

Najugarisamiit Sisimiunut uterlugu billetsit, ineqarneq ullaakkorsiorneq ilanngullugu ullunilu pikkorissarfinni ulloqqeqasiorneq Pissassarfiup isumagissavai.

Malugiuk, billetsit akikinnerit allanngortissinnaanngitsullu atorneqassapput. Taamaammat billetsinik allannguinermi taamaatitsinermiluunniit Pissassarfiup angalanermut aningaasartuutai, pikkorissartussap sulisitsisuata matussusissavai.

Angalanermi aningaasartuutit ass. taxarneq ullormusiallu Pissassarfimmut attuumassuteqanngillat.

Apeqqtissaqartoqarpat uunga apeqqtigineqassapput:

[pissassarfik@nanoq.gl](mailto:pissassarfik@nanoq.gl) imalt. oqarasuaat. 34 50 70